




www.BibleForChildren.org


Genesis 1



Iqmoeq ilmoeq
Miqyail neq, nqtavq
khi mail miltsaq
bhai teivq-a nail
ngaol.



Miltsaq neq, khul nail
maolkhoel dai maq
dov-ail, aqnieivq pevq
nail ngaol. Navq dee
dee nail ulcuvq
lavqkhoel bha
aqnav-i mail jaol
pheed gil khi,
Miqyail nail Aqhaqlal
neq, ulcuvq nail
kovtavq bhai ail lal
nail ngaol.



Miqyail neq, "Aqbhaq dov lal yaoq" dai, daoq bivq-u phao, aqbhaq dov lal-a nail ngaol. Aqbhaq bhai neq, n-gaol dai, khul khi aqnav bhai neq, nqkiv dai, khul-a nail ngaol. Kivqhail lailma phao nee daq-n khi, nghao phao kev dai jel lal-a nail neq, iqmoeq khal moeq khe n-gaol pevq nail ngaol.



A bhai nee ngal-aq, Miqyail ge nail: "Ulcuvq nvq pav pav-ail nail haqbhoil ulcuvq gaoltsi nee nqtavq bhai joe phee-q-ai tha-q nail pha-q pev-q lal yao-q" dai, dao-q biv-q-a nail ngaol. Nqtavq khe joe phee-q-a tha-q nail al bhai ne-q, nqtavq dai, khul-a nail ngaol. Kivqhail lailma phao nee da-q-n khi nqhao phao kev dai jel lal-a nail ne-q, nvq n teev-q n pev-q nail ngaol.




Miqyail gaoq ge nail: "Nqtavq nail kov-uvq bhai miltsaq aqgee bhi dov lal nail galduq, ulcuvq teevq dao bhai jil gil lai yaoq" dai, ge bhiq-a nail khe-ai, pevq lal-a nail ngaol. Miltsaq aqgee jiav nail bhai neq, miltsaq dai, khul khi ulcuvq il jil lai thaq nail aqduq bhai neq, iqyaaq iq ma dai, khul-a nail ngaol. Miqyail

thoil thai hel daiq moel-u phao, aqmeeq nial dai, hel daiq moel-a nail ngaol.




A bhai nee ngal-aq, Miqyail ge nail: "Aqpavq lovpavq juq nail aqbhaol dai khi aqheeq juq nail aqbhaol iqsanl mail doevq lal yaoq. Aqbhaol thoil juq neq, aqheeq mee nia phaqq bhai bhi heeq lee nia nail juq pevq nail ngaol" dai, ge bhiq-a nail khe-ai,

pevq lal-a nail ngaol.



Kivqhail lailma nee mail daq-n khi, nqhao phao kev dai,
jel lal-a nail neq, hail n teevq n pevq nail ngaol.



Miqyail neq, eeq nail aqbhaq nvq phaqa lav sav-a nail ngaol. Aqbhaq al nvq phaqa neq, n-gaol phao bhi uv thaiq nail haqbhoil aqbhaq heeq ma dai khi, nqkiv phao bhi uv thaiq nail haqbhoil aqbhaq heeq yaq ngaol. Al ovqtavq, aqgil juq bhai iqsanl bhi dov lal-a nail ngaol.



Kivqhail lailma phao nee daq-n khi,
nqhao phao kev dai, jel lal-a nail
neq, liq n teevq n pevq nail ngaol.




Miqyail gaoq ge nail:
"Ulcuvq bhai jaol nail
jaiqyaq dai khi delgil juq
iqsanl mail jaol bhee gil
lal yaoq. Nqtavq kovtavq
bhai gail, mao dai pha
q nail keivq-avq juq bhi
bhee lal yaoq" dai, ge
bhiq-a nail ngaol. Kivqhail
lailma phao nee daq-n
khi, nqhao phao kev dai,
jel lal-a nail neq, ngaq n
teevq n pevq nail ngaol.




Miqyail gaoq ge nail: "Miltsaq kovtavq bhai aqdoevq
khal doevq nail tsu nail jaiqyaq juq maqkhaiq, miltsaq
bhai soiq soiq-ail tsao nail jaiqyaq juq maqkhaiq,
haqtsoiq jaiqyaq juq maqkhaiq, al juq nail lavqkhoel
khe, maol yaq maol ma juq iqsanl mail bhee lal yaoq"
dai, daoq ge bhiq-a nail khe-ai, pevq lal-a nail ngaol.




A bhai nee ngal-aq, Miqyail neq, "Ngadao juq, ngadao juq nee dul lai dai tsaol-aq yaq bhai teivq bhel. Aqyu juq bhai, ulcuvq khe jaol nail jaiq juq bhai maqkhaiq, keivq-avq juq bhai maqkhaiq, tsu nail jaiqyaq juq bhai maqkhaiq, soiq soiq-ail tsao nail jaiqyaq juq bhai maqkhaiq, haqtsoiq jaiqyaq juq bhai maqkhaiq, miltsaq teevq heeq heeq lao bhai maqkhaiq, bhi uv thaiq nail ngaol" dai, ge bhiq-a nail ngaol.



Miqyail neq, aivq-i mail khal teivq-ai thaq nail bhai hel daiq khi, al jaiq-ail meeq-il dai, hel daiq moel nail ngaol. Kivqhail lailma phao nee daq-n khi, nghao phao kev dai, jel lal-a nail neq, kovq n teevq n pevq nail ngaol.



A bhai nee ngal-aq, Heeqphaq Miqyail neq, gaoqkhail
bhai bhi kha jaq bhi kha daol khi, bhi hel daiq phail
nail galduq, tsaol-aq al gaq bhai, Eiqdeiq gaoqkhail
lavqkhoel-ai bhi jaol-a nail ngaol.



Aq-u phao, Heeqphaq
Miqyail tsaol-aq al gaq
bhai niail hai ge bhiq-a
nail ngaol: "Gaoqkhail
lavqkhoel khe khal doevq
nail aqbhaol nail aqheeq
yaoq pha q yaoq-ao nee,
jaq nail ya nail ngaol. Thail
hai ngaol-aog, meeq nail
doil nail tsel pav nia nail
aqbhaol al bhaol khe aqheeq
neq, maq ya jaq-ail. Jaq-u n-
gaol neq, ya sil naol" dai, ge
bhiq-a nail ngaol.




Tsaol-aq neq, jaiqyaq juq
dai khi keivq-avq juq iqsanl
mail bhai, aqmil mil bhiq khi
mail ngaol-aog neq, al juq
nail lavqkhoel khe, tsaol-aq
bhai tsao jao-ai nail aqtsaoq
maq jaol-ail.



Al heel ngel-i mail, Heeqphaq Miqyail neq, tsaol-aq
bhi iq thaiq kov dee deel laiq-a nail ngaol. Aivq iq
thaiq kol laiq-u phao, Heeqphaq Miqyail neq, aivq nail
aqbhail haqeeq teevq khaoq oil dov khi,
haqjoil-i mail lav phee q bhiq
thaq nail ngaol. A bhai nee
ngal-aq, aqbhail haqeeq al
khaqq-i mail yaqmai-aq
teevq gaq bhai teivq
khi, tsaol-aq jaol nail
bha hel laiq bhiq
thaq nail ngaol.



Al heel ngel-i mail, yaqyov-aq neq,
aqbhu aqma bhai khaonq ha-ail
ceevq khi, khaqma bhai hevq-a
nail ngel-i mail, aqyu nvq gaq neq,
teevq heeq teevq maol taivq-ail
pevq lal nail ngaol.



Yeiqsul gaoq ge nail: Miqyail miltsaq
yaq bhai gaiq-a dee dee nail ngel-i mail,
aivq nail Yaqyov teevq gaq teevq-eel
ngaol-aog, bivq lavq-a nail ngaol. Yaqyov
bhai neema khal thaq tsaol nail
tsaol-aq maq ya cov ail nail nee
ovqtavq, nqmaq maqluv
halyeel ya doevq
nail
ngaol.



Lolmav 3:23 Khul khi mail dai ngal-aq neq, tsaol-aq iqsanl mail oeqbal nl-a nail ngel-i mail, Miqyail nail seiqleiq khaoqsail bhai maq ya nia-ail.

Lolmav 6:23 Oeqbal nail aqphoiq neq, ya sil nail ngaol. Thail hai ngaol-aq, Miqyail-i mail ngadao bhai aqnieivq ail bivq lavq-a nail kovpavq neq, ngadao nail Heeqphaq Yeiqsul Khali bhaq da nee, nqmaq maqluv halyeel ya doevq nail ngaol.

Heiqbhail 9:27 Ngadao tsaol-aq teevq pov ya sil khi, yaqhao yalkhaq dal nail bhai ya daq nail ngaol.



Eilpheilsu 2:8,9 Nul juq neema thaq tsaol nail lavqkhoel Miqyail nail geeqlaoq eel jaol bhaq da nee, hevq kovq nail pha q ya-a nail ngaol. Yovqgavq bhai yovqgavq nl-a hal-a nail bhaq da nee ya-a nail maq ngel-ail. Miqyail-i mail bivq lavq-a nail kovpavq ngaol. Nl nail hal nail bhaq da nee ya-a nail maq ngel-ail. Al heel ngel-i mail, tsaol-aq teevq gaq iqsanl neema eeq duq maq jiav-ail.

Lolmav 10:9,10 "Yeiqsul neq, Heeqphaq ngaol" dai, naoq nail moeqthaoq khanq khi, "Miqyail aivq bhai bhi doevq kovq lal-a nail ngaol" dai, naoq nail neema lavqkhoel nee, neema thaq tsaol haq neq, Miqyail naoq bhai hevq kovq lavq nail ngaol. Neema lavqkhoel nee, neema thaq tsaol nail ngel-i mail, Miqyail nail sivtavq bhai tsaq nail daol nail tsaol-aq pevq lal khi, moeqthaoq khanq-a nail ngel-i mail, hevq kovq nail pha q ya-a nail ngaol.



Yaolhaq 3:16,17 Yeiqsul gaoq ge nail: "Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aog, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

Khul khi mail dai ngal-aq neq, miltsaq yaq bhai yalkhaq bhi dal nail dai khi, Miqyail aivq nail Yaqyov miltsaq bhai bhi lee-a nail maq ngel-ail. Miltsaq yaq bhai bhi hevq kovq lee-a nail ngaol."



1 Yaolhaq 5:11-13 Miqyail salkhil khanq nail al neq, ngadao bhai nqmaq maqluv halyeel doevq nail phaqa bivq lavq-a nail ngaol. Nq maq maq luv hal yeel doevq nail al neq, aivq nail Yaqyov nail lavqkhoel bhai aol nail ngaol.

Yaqyov bhai hav bhoel nail tsaol-aq, doevq nail phaqa ya nail ngaol. Yaqyov bhai maq hav bhoel nail tsaol-aq, doevq nail phaqa maq ya-ail.

Miqyail nail Yaqyov nail aqmil bhai neema thaqa tsaol nail nul juq, nqmaq maqluv halyeel doevq nail phaqa ya nail ngaol dai, nul juq ya heeq kivq dai, ngal nul juq bhai haoqqavq niil gevq bhoel-ai leevq-a nail ngaol.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Akeu Bible (aeu) © 2016, Wycliffe Bible Translators, Inc.
All rights reserved.

<https://live.bible.is/bible/AEUWBT/GEN/1>

©2024 Bible for Children, Inc.

www.M1914.org

www.bibleforchildren.org

